

四庫全書

集部

欽定四庫全書

文選卷十六

梁昭明太子蕭統編

唐李善呂延濟劉良張銑呂向李周翰注

志下

閒居賦

并序 善曰閒居賦者此蓋取於禮篇不知世事閒靜居坐之意也潘安仁者晉武

帝時人

潘安仁

翰曰禮記有閒居篇岳取以為賦名言將不涉世事自取閒逸

岳嘗讀汲黯傳至司馬安四至九卿而良史題善作書之

以巧宦之目未嘗

五臣作曾

不慨然廢書而歎

善曰漢書汲黯傳曰黯姊

子司馬安巧善宦四至九卿以河南太守卒班固司馬遷贊遷有良史之才李陵書能不慨然史記太史公曰始齊之蒯通讀樂毅報燕王書未嘗不廢書而泣黯於減切慨許既切銑曰良史則班固也慨然歎息也

曰嗟乎巧誠有之拙亦宜然

善曰西京賦曰小必有之大亦宜然向曰宜然宜

有之也顧常以為士之生也非至聖無軌微妙玄通者則

必立功立事效當年之用

善曰鄭玄毛詩箋曰顧念也周易用無常道事無軌度廣

雅曰軌迹也老子曰善行無轍跡又曰古之善為士者微妙玄通深不可識河上公曰玄天也言其節志精微

與天通也漢書平當書曰建功立事可以永年延篤與張真書曰烈士殉名立功立事也杜預左氏傳注曰效致也向曰軌迹也非至聖及微妙之人必效當時之用也是以資忠履信以進德

修辭立誠以居業

善曰周易曰履信思乎順又曰君子進德修業忠信所以進德也修辭立

其誠所以居業也

翰曰資用

僕少竊鄉曲之譽

善曰燕丹

子夏扶曰士無鄉曲之譽則未可與論行也濟曰譽美稱也言竊岳謙詞也

忝司空太尉之

命所奉之主即太宰

五臣作尉

魯武公其人也舉秀才為郎

善曰爾雅曰忝辱也命謂舉命之爾雅命告也凡尊者之言曰命孝經曰則周公其人也良曰賈充為司空轉太尉亮謚曰武公岳逮事世祖武皇帝為河陽懷令弱冠太尉譽秀才也

善曰臧榮緒晉書武紀曰帝崩號上世祖禮記曰逮事父母臧榮緒晉書曰岳出為河陽令轉懷令漢書河內

郡有懷縣河陽縣也向曰逮及也尚書郎廷尉平音病善曰漢書曰

平秩皆六百石平皮命切翰曰岳既今天子諒闇之

際善曰尚書曰亮陰三祀陰默也信默三年不言天子

閭也領太傅主簿府主誅除名為民善曰臧榮緒晉書曰

選吏佐引岳為太傅主良注同俄而復官除長安令善曰何休

薄駿誅除名良注同俄而復官除長安令善曰何休

言除者除故官就新官也良同善注遷博士未召

拜親疾輒去官免自弱冠涉乎

五臣知命之年善曰禮

十日弱冠論語子曰五十而知天命
向曰召拜謂謝而上也免解也

八徙官而一進階

再免一除名一不拜職遷者三而已矣雖通塞有遇抑

亦拙者之效也

善曰一進階謂徙懷令為尚郎也再免謂仕廷尉平以公事免遷博士以去官

免也三遷謂廷尉平領太傅主簿及遷博士周易曰不出戶庭知通塞也漢書楊雄曰以為遇不遇命也廣雅效驗也濟曰岳以司馬

昔通人和長輿之論余曰

善作

也固謂拙於用多

善曰論衡曰博覽古今者為通臧榮緒晉書曰和嶠字長輿莊子謂惠子

曰夫子固拙於用大良曰長輿曾為岳論此稱多則也謂岳拙於用多者言岳長於用少短於用多

吾豈敢言拙信而有徵

善曰論語孔子曰若聖與仁則吾豈敢左氏傳叔向曰君子之

言信而有徵濟曰岳言稱用多方今俊又在官百工

惟時善曰尚書曰俊又在官又曰百工惟時拙者可

以絕意乎寵榮之事矣太夫人在堂有羸老之疾善曰漢書

曰列侯太夫人如淳曰列侯之妻稱夫人列侯死子復

為列侯乃得稱太夫人左氏傳荀瑩曰余羸老也翰

曰岳自為拙者將絕意榮祿尚何能違膝下色養而屑

屑從斗筭所之役乎善曰孝經曰故親生之膝下以養

難左氏傳晉侯謂汝叔齊曰魯侯善禮叔齊曰而屑屑

焉習儀以巫方言曰屑屑不靜也論語子曰噫斗筭之

人何足算也袁宏後漢紀郭林宗曰大丈夫焉能久處

斗筭之役乎良曰尚猶復也屑屑猶驅驅也筭竹器

容斗二升言我復何能違所親膝下顏色敬養
而反驅驅從斗筲之祿自為役乎言不能也
於是覽

止足之分庶浮雲之志

善曰老子曰知足不辱知止不殆孔子曰不義而富且貴於我

如浮雲非已所務也庶近也答賓戲

築室種樹逍遙自

得池沼足以漁釣春稅足以代耕

善曰毛詩曰築室百堵漢書景帝詔曰藝

種樹可衣食物莊子善卷曰余日出而作日入而息逍遙於天地之間而心意自得家語曰原憲衣弊衣衍然有自得之志說文曰稅租也禮記曰夫祿足以代其耕

向曰春稅謂春粟為米稅其利以代耕也

灌園善曰列女傳曰於陵子曰終為人灌園

嚮蔬以供朝夕之膳

善曰列女傳曰於陵子曰終為人灌園字書曰粥賣也粥與嚮同音

義也說文曰膳具食也

牧羊酤酪以俟伏臘之費

善曰鄭玄

周易注曰牧養也廣雅曰酤賣也古護切釋名曰酤乳
汁所作也漢書曰秦德公作伏祠孟康曰六月伏日歷
忌釋曰伏者何也金氣伏藏之日也四時代謝皆以相
生立春木代水水生木立夏火代木木生火立冬水代
金金生水至於立秋以金代火金畏火故至庚日必
伏庚者金故也臘者風俗通禮傳曰夏曰嘉平殷曰清
祀周曰大蜡漢故改為臘臘獵也言田獵取獸以
祭其先祖 翰曰伏臘謂夏有伏冬有臘費用也 孝乎

惟孝友于兄弟此亦拙者之為政也

善曰論語或謂孔子曰子奚不為政

子曰書云孝乎惟孝友于兄弟施于有政是亦為政
濟曰既為此事而孝父母友兄弟是亦我之為政於家

何必在於國也

乃作閒居之賦以歌事遂情焉

善曰韓詩序曰

勞者歌事聲類曰遂從意也

向

其辭曰傲墳素之長

圃步先哲之高衢

善曰左氏傳楚靈王曰左史倚相能讀三墳五典八索九丘賈逵曰三墳

三皇之書五典五帝之典八索素王之法九丘亡國之戒也上林賦曰翱翔乎書圃登樓賦曰假高衢而騁力

銑曰三墳之書素王之法以為長圃嘯傲於中矣哲智衢道也將步遊先古聖帝之道以為業也雖吾

顏之云厚猶內愧於寧蘧有道吾不仕無道吾不愚何

巧智之不足而拙艱之有餘也

善曰尚書曰顏厚有怙怙楚漢春秋韓信曰臣

內愧於心管子曰巧者有餘而拙者不足向曰寧武子邦有道則知邦無道則愚蘧伯玉邦有道則仕邦無

道則可卷而懷之言我見先哲之迹雖以厚顏懷寧蘧之事益復內愧翰曰艱難也天下有道吾不能進仕

無道吾不能佯愚是巧智之不足於是退而閒居于洛拙艱之有餘也此岳疾時而自責

之溪身齊逸民

五臣作人

名綴下士

善曰楊佺期洛陽記曰城南七里名曰洛水蔡邕

被襖文曰自求多福在洛之溪毛萇詩傳曰溪猶涯也論語子曰逸民伯夷叔齊禮記曰諸侯之上大夫御下

大夫上士中士下士凡五等良曰逸人散逸之人下士御士之下者岳將退居故云齊逸人岳嘗從官故云

綴下士也

濟曰溪岸也

陪京沂伊面郊後市

善曰南都賦曰陪京之陽薛綜東京賦注

曰沂向也楊佺期洛陽記曰洛水之南名曰伊水周禮

曰面朝後市鄭玄儀禮注曰面前也陸機洛陽記曰洛

陽凡三市大市名曰金市公觀之西城中馬市在大城

之東洛陽縣市在大城南然市洛陽縣也銑曰郭外

曰浮梁黝

於

以徑度靈臺傑其高峙

五臣作峙

善曰

簿曰城南三里洛水浮橋方言曰造舟謂之浮梁郭璞

曰即今浮橋也黝長貌楚辭曰不能陵波以徑度陸機

洛陽記曰靈臺在洛陽南去城三里毛萇詩傳曰傑特立也思玄賦曰松喬高跼孰能離徐爰射雉賦注曰峙立也向曰徑直也靈臺臺名天子占候之所傑猶壯拔也岳家近此

窺天文之祕與究

拘人事之終始

善曰日月五星天之文也陸賈新語曰楚王作乾谿之臺闢天文謝承後漢書

曰姚俊九明圖緯祕與字書曰祕密也廣雅曰與藏也禮舍文嘉曰天子靈臺以考觀天人之際法陰陽之會周易曰歸妹人之終始濟曰窺觀也祕與精其微也觀其運行遲速干犯得其精微人事興亡盡以知之

其西則有元戎禁營玄幙綠徽

善曰其西宅之西也元戎兵車也詩曰元戎十

乘以先啓行禁營謂五營也陸機洛陽記曰五營校尉前後左右將軍府皆在城中陸機既不言所處難得而詳也鄭玄禮記注曰徽旌旗之名也翰曰岳宅西也元戎大兵也禁營掌禁兵也徽旌旗名玄綠皆色也

谿

五臣作溪

子巨泰異秦

卷

同機

善曰史記蘇秦說韓王曰谿子巨泰者皆射六百步

之外許慎曰南方谿子蠻夷柘弩皆善材也孫卿子曰
繁弱巨泰古之良弓異秦同機言弩秦雖異而同一機
漢書音義張晏曰連弩三十秦共一臂然秦弩弓也李
奇曰秦弓也字林曰秦音卷孔安國尚書傳曰機弩牙
也本或為異卷同歸誤驂五臣作礮
良曰秦發箭處也礮音貌反

石雷駭激矢

音

飛

善曰礮石今之拋石也皆匹孝切廣雅曰駭起也呂氏春
秋曰激矢遠法言曰并激矢茫蠡兵法飛石重二斤為機

發行三百步東觀漢記光武作飛蠡箭以攻赤眉廣雅曰蠡
飛箭名也方言曰凡箭三鏃謂之羊頭三鏃長六尺謂之飛
蠡郭璞曰此謂今之射箭也鏃稜也
以石激物也其物如雷之駭箭去如蠡蠡之飛

以先啓行

曜我皇威

善曰詩曰元戎十乘以先啓行西都賦曰耀皇威其
而講武事向曰此在陣之先以曜我天子兵威其

東則有

五臣無有

明堂辟雍清穆敞間

善曰陸機洛陽記曰辟雍在靈臺東相去

一里俱魏武所徙三輔黃圖曰大司徒宮奏曰明堂辟雍其實一也毛詩曰於穆清廟洞簫賦曰又足樂乎其

敞間也翰曰岳宅東也明堂天子布政之宮辟雍養國老之所清穆閒敞言清美高大也環林縈

映圓海迴淵

善曰三輔黃圖曰明堂辟雍水四周於外象四海也濟曰環林圓海明堂辟雍水

木周聿追孝以嚴父宗文考以配天

善曰毛萇詩傳曰聿述也南都賦曰

奉先祖而追孝孝經曰孝莫大於嚴父嚴父莫大於配天又曰宗祀文王於明堂以配上帝文考謂晉文王也

尚書曰惟予文考良曰文考晉文帝之祖也言述追文考之道尊嚴其父武帝故以文王配於上天祇

聖敬以明順養更老以崇年

善曰言尊祖父以配天所以明順也養三老五更所

以崇年也韓詩湯降不遲聖敬日躋言湯聖敬之道上聞於天白虎通曰禮三老於明堂所以教諸侯孝也禮五更於大學所以教諸侯弟也銑曰祇亦敬也聖敬言聖人之道也祭先祖所以明順敬若乃背

冬涉春陰謝陽施

去聲善曰七發曰於是背秋涉冬神農本草曰春夏為陽秋冬為陰楚

辭曰青春爰謝王逸曰謝去也莊子曰隨四時之施漢書曰陰陽之施化萬物之終始施猶布也向曰言春

時陰氣退天子有事于柴燎以郊祖而展義

善曰左氏傳曰宰孔

曰天子有事於文武杜預曰有祭事也爾雅曰祭天曰燔柴郭璞曰既祭積薪燒之周禮曰以禋祀祀昊天上帝以實柴祀日月星辰以樵燎祀司中司命鄭司農曰三祀皆積柴實生體焉燎而生煙以報陽也禮記曰周人禘嘗而郊稷鄭玄曰禘郊祖宗謂祀祭以食也左氏傳曰天子非展義不巡狩向曰郊祀也展其禮義之

事張鈞天之廣樂備千乘之萬騎

善曰史記趙簡子曰我之帝所與百神遊

於鈞天廣樂九奏萬舞蔡邕獨斷曰大法駕備千乘萬騎言多也服

振振以齊玄管啾啾

子流

而並吹

去聲

善曰左氏傳卜偃曰童謠云衿服振振

音真服虔曰衿服黑服也杜預曰振振威貌也說文曰衿玄服也音均風俗通曰竹曰管王逸楚辭注曰啾啾鳴聲也濟曰振振絮貌啾啾吹聲玄黑也煌煌乎隱隱乎茲禮容之壯觀

而王制之巨麗也

善曰蒼頡篇曰煌煌光明也上林賦曰煌煌扈扈隱隱威也又曰沈沈隱

隱春秋考異邶曰飾禮容成文法史記曰孔子陳俎豆設禮容漢書龔遂曰坐則誦詩書立則習禮容史記曰天下之壯觀上林賦曰君未覩夫巨麗良曰煌煌隱隱皆威貌巨大也兩學齊列雙宇如

一右延國胄左納良逸

善曰郭緣生述征記曰國學在辟廱東北五里大學在國學東

二百步魯靈光殿賦曰萬戶如一爾雅曰延進也國學教胄子大學招賢良進尚書曰夔教胄子李光明堂銘

曰夏進賢良

銑曰雙字如

祁祁生徒濟濟儒術

善曰安革

一言整齊也良逸則賢也

猛詩曰祁祁我徒毛詩曰濟濟多士班固公孫弘贊曰蕭望之以儒術進向曰祁祁濟濟禮義得中貌生徒

儒術則胄子賢良

或升之堂或入之室

善曰家語衛將軍文子問於子貢曰吾聞孔子

之施教也成之以文德蓋入室升堂七十餘人

翰注同

教無常師道在則是

善曰尚書

曰德無常師主善為師蔡邕勸學篇曰人無貴賤道在則專論語叔孫武叔曰吾亦何常師之有道在則是

濟曰道在者則故髦士投紱名王懷爾

善曰言棄紱藏璽咸來學也毛

詩曰髦士攸宜爾雅曰髦俊也漢書曰匈奴單于遣名王奉獻西京賦曰懷璽藏紱銑曰髦俊卿士投棄紱紱名譽之王懷藏訓若風行應如草靡善曰論語孔子璽紱而來學也

小人之德草草上之風必偃此里仁所以為美孟母所

以三徙也

善曰論語曰里仁為美鄭玄曰里有人之所居也居於仁者之里是為善也列女傳曰孟

母舍近墓孟子嬉戲為墓間之事孟母曰此非所以居子處也乃去舍市旁其子嬉戲為賈街孟母又曰此非所以居子處也乃舍學宮之旁其子嬉戲乃設俎豆進退揖讓孟母曰此真可以居子矣遂居之及孟子長學六藝卒成大儒翰曰此爰定我居築室穿池善曰毛言近仁里與近學之美也

爰定我居築室穿池

善曰毛詩曰築

室百堵莊子孔子曰魚相造于水長楊映沼芳枳爾樹者穿池而養給濟曰於此定居

籬

善曰馮衍顯志賦曰捷六枳而為籬良曰楊柳樹也沼亦池也枳果樹也以為藩籬

遊鱗澆

仕
咸澆

角
齒齒敷披

善曰澆澆出沒貌高唐賦曰巨石溺之澆澆毛萇詩傳曰齒齒荷華銑

間也
曰敦披

竹木蓊

孔藹

靈果參差張公大谷之梨梁侯

烏桺之枹

木助理反

善曰西京雜記曰上林苑有烏桺木大谷梨未詳也枹方彌切良曰蓊藹參

差鬱茂貌洛陽有張公居大谷有夏梨海內唯此一樹梁國侯有烏桺枹故代傳之

周文弱枝之

棗房陵朱仲之李靡不畢殖三桃表櫻胡之別二柰曜

丹白之色

善曰西京雜記曰上林苑有弱枝棗王逸荔枝賦曰房陵縹李周文朱仲未詳荅頡篇曰

殖種也漢書音義曰櫻桃含桃也西京雜記曰上林苑有胡桃出西域廣志曰張掖有白柰酒泉有赤柰翰

曰靡無植種也周文王時有弱枝棗樹味甚美房陵有朱仲者家有縹李代所希有若此果木無不種之也三

桃侯桃櫻桃胡桃也石榴蒲桃之珍磊落蔓衍乎其

側梅杏五臣作李郁棣之屬繁榮麗藻五臣作藻麗之飾善曰石榴即若

榴也蒲桃似燕萸磊落實貌蔓衍長也博物志曰張騫使大夏得石榴李廣利為貳師將軍伐大宛得蒲陶郁

今之郁李棣山櫻桃也張揖上林賦注曰棣實似櫻桃濟曰石

與萸音義同郭璞上林賦注曰棣實似櫻桃濟曰石

榴蒲桃梅李郁棣皆果木名言珍美之也磊落蔓衍衆多貌繁榮藻麗果花光色可以飾林園也華實

照爛言所不能極也善曰春秋文耀鉤曰春致其時則葱韭蒜筭芋青筍尹紫薑薑謹薺甘旨蓼了萎綏

文選 十一

芬芳

善曰毛詩曰董荼如飴毛萸曰董菜也居隱切韻畧曰萎香菜也相推切銑曰皆菜名味甘而氣

香藁

而羊

荷依陰時藿向陽

善曰崔豹古今注曰藁荷宜陰翳地依陰而生也鄭玄儀

禮注

曰藿豆葉也曹子建求親表曰葵藿之傾太陽向曰藿荷菜生於陰也藿菜側葉而向陽也

綠葵

含露白薤負霜於是凜秋暑退熙春寒往

善曰楚辭曰竊獨悲此凜

秋字書曰凜寒也左氏傳張趯曰火中寒暑乃退老子

曰衆人熙熙如登春臺廣雅曰熙熾也周易曰暑往則

寒來

翰曰當秋節也

曰重言春秋暑退寒往之時

微雨新晴六合清朗

善曰呂氏

春秋曰神通乎六合

太夫人乃御板輿升輕軒遠覽王畿近周家

園體以行和藥以勞宣嘗膳載加舊病有痊

七全反善曰禮記

曰諸侯曰夫人注夫之言扶也言能以禮自扶版與車
名傳暢晉諸公贊曰傳祇以足疾版與上殿版與一名
步與周逸與服雜事記曰步與方四人素木為之以皮
為撐擱之自天子至庶人通得乘之周禮曰方千里曰
王畿杜預左氏傳注曰宣散也說文曰病病也莊子曰
今余病少痊司馬彪曰痊除也良曰板與以板為輿
輕軒輿車王畿近都城之地言岳母乘車覽矚郊野遊
行家園以和其體以宣其藥是時稍加膳食舊疾有瘳
岳所以為樂也

席長筵列孫子柳垂陰車結軌

善曰曹子建名都篇曰列坐竟

長筵結猶屈也言屈軌不行司馬相如難蜀父老
曰結軌還轅濟曰孫子孫也結軌並迹也

陸摘

紫房水挂頰鯉

善曰馬融高第頌曰黃果楊芳紫房漬
漏張載安石榴賦曰紫房獨熟毛萇詩

傳曰頰赤也木房實有紫色頰

向曰紫房謂果

或宴于林或楔

胡計于泥

音似善曰史記曰武帝禊霸上續漢書曰三月上巳

宮人皆禊於東流水上自洗濯拂除宿疾垢也風俗通

曰楔者絮也仲春之時於水祓除故事取於清絮爾雅

曰窮瀆曰汜郭璞注曰水無所通也爾雅曰又水決復

入曰汜翰曰禊祓也昆弟班白兒童雅齒善曰禮記曰

除垢疾也汜水岸也

爾雅曰幼稚也方言曰雅小也稱萬壽以獻觴咸一

濟曰髮班白者老也稚幼齒小也

懼而一喜善曰毛詩曰萬壽無疆史記曰武安君起為

年之玉觴論語子曰父母之年不可不知一則以喜一

則以懼良曰萬壽萬歲也獻觴酒也見親衰老而懼

見親壽壽觴舉慈顏和善曰舞賦曰嚴顏和而怡懌

考而喜壽觴舉慈顏和善曰慈顏謂母之顏色也浮

杯樂飲絲竹駢羅善曰說苑曰公承不仁舉大白浮君

廣雅曰浮罰也漢書曰陳平厚具樂

飲太尉風俗通曰絲曰絃竹曰管西京賦曰夾蓬萊頂而駢羅向曰浮杯流杯也絲竹絃管也駢並羅列也

足起舞抗音高歌人生安樂孰知其他

善曰楊惲報孫會宗書曰奮袖

低印頓足起舞傅武仲儻賦曰抗音高歌為樂方佗謂榮貴也國語曰晉文公適齊齊侯妻之女甚善焉文公

曰人生安樂孰知其佗

翰

退求已而自省信用薄而

才劣奉周任之格言敢陳力而就列

善曰論語孔子曰君子求諸已曾子

曰且就業夕而自省論語孔子曰周任有言曰陳力就列不能者止論語考比識賜問曰格言成法亦可以次

序也濟曰省察也用薄才劣岳謙詞也格至也

幾陋身之不保尚

五臣

奚擬

於明哲

善曰爾雅曰幾近也孟子曰士庶人不仁不保四體毛詩曰既明且哲以保其身良曰陋身

岳自謂也言身幾將不保何敢比於明哲
明哲謂周仕也言遭揚駿之事殆不全也
仰衆妙而絕

思終優遊以養拙

善曰老子曰玄之又玄衆妙之門毛詩曰優哉遊哉亦是戾矣鄭玄曰戾

止也優游自安止言思不出其位
銑曰衆妙則老子云衆妙之門也絕思者盡心於此以養其拙岳復謙詞也

哀傷

長門賦 并序

司馬長卿

孝武皇帝陳皇后時得幸頗妬別在長門宮愁悶悲思

善曰外戚傳曰陳皇后者長公主嫖女也曾祖嬰為唐
邑侯傳子至孫午午尚長公主女初武帝得立為太子
長公主有力取女為妃及即位為皇后擅寵驕貴十餘
年而無子聞衛子夫得幸幾死者數焉元光五年生女
子楚服等為皇后巫蠱祠祭咒
詛罷退歸長門宮嫖匹妙切
聞蜀郡成都司馬相如

天下工為文奉黃

善無黃字

金百斤為相如文君取酒

善曰漢書

曰卓氏女文君既奔相如相如與俱之臨邛賣酒舍文
君當爐相如身自滌器於市中向曰工善也事不宜
斥言與相如金故託
為相如文君取酒
因于解悲愁之辭
善曰鄭玄儀禮注曰于為也

翰曰欲因此
解解悲愁

而相如為文以悟主上皇后復得

善有親字幸

善曰說文曰悟覺也
親幸案諸史傳並無此文恐敘事之誤
濟曰陳皇后復得

其辭曰

夫何一佳人兮步逍遙以自虞

善曰神女賦曰夫何神女之妖麗何休公羊傳

注曰據疑問不知者曰何佳人謂陳皇后也楚辭曰聞佳人兮召予廣雅曰佳好也爾雅曰虞度郭璞曰謂測

度也良曰逍遙魂踰佚而不返兮五臣無形枯槁

考而獨居善曰言精魂踰佚形體枯槁悲悴之甚也蒼頡篇曰佚揚也楚辭曰神儵忽而不返兮形

枯槁而獨留槁古老切言我朝往而暮來兮飲食樂

而忘人善曰我武帝也言帝皆許朝往暮來幸臨於已今以飲食惟樂而忘於人人后自謂也向曰

樂其飲食與寵心憊憊移而不省故兮交得意而相親

衛子夫而忘人善曰移字或從火非也爾雅曰省察也嫌理兼切翰曰嫌絕也言君心絕移不省察我故舊新交得意者而

與相親也伊予志之慢愚兮懷貞慤之歡善作心善曰蒼

懷抱也鄭玄禮記注曰慤愿也空角切濟曰伊惟也慢愚后自謙也望帝之來故常懷貞慤以自歡也願

賜問而自進兮得尚君之玉音善曰願君問已因而自進也尚猶奉也毛詩曰

無金玉爾音良曰願得聞君自已之奉虛言而望誠

今期城南之離宮善曰言奉君虛言望為誠實離宮即長門宮也在於城南也銑曰言奉

君虛言期幸長門修薄具而自設兮君曾五臣無不肯

兮善作幸臨也向曰薄具清潔之饌親廓獨潛而專

精兮天飈飈而疾風善曰楚辭曰悲愁窮感兮獨處禮記曰祥而廓然鄭玄曰憂憚在心

之貌翰曰廓然潛處專一其精神也登蘭臺而遙望兮神怳怳而外

淫善曰王逸楚辭注曰怳失意也韓子曰神不淫放則身全廣雅曰淫游也蘭臺臺名濟曰登以望君怳

君也浮雲鬱而四塞兮天窈窈而晝陰雷隱隱而響起

兮聲象君之車音善曰毛萇詩傳曰鬱積也楚辭曰日

謂曰殷其雷殷音隱良曰聞此颼風迴而赴善作閨

兮舉帷幄之檐檐昌康反善曰楚辭曰棠檐檐以含

動貌桂樹交而相紛兮芳醕烈之閭閭善曰醕烈閭閭

魚斤切向曰孔雀集而相存兮玄猿嘯而長吟翡翠

相紛相盤也

脅翼而來萃兮鸞鳳飛而北南尼心憑噫依而不舒兮

邪氣壯而攻中

善曰說文曰存恤問也憑噫氣滿貌管子曰邪氣襲內正色乃衰翰曰存猶

並也萃聚脅欽也憑噫懷歎邪氣恨氣也言鳥獸飛翔吟嘯與偶相集故心懷歎不得舒洩憂恨之氣壯盛攻

於中情也

下蘭臺而周覽兮步從容於深宮

善曰好色賦曰周覽九土尚書

曰從容以和

正殿塊以造

操

天兮鬱並起而穹

丘

崇間徙倚

於東廂兮觀夫靡靡而無窮

善曰孔安國尚書傳曰造至也郭璞方言注曰鬱壯

大也穹崇高貌高誘呂氏春秋注曰間頃也謂下臺少頃郭璞方言注曰靡靡細好也

向曰正殿前殿也塊

大也徙倚立也廂廊也靡靡室宇美好也

濟

玉戶以撼

胡

金鋪

平

兮聲嘈

測胡而似鐘音善曰字書擠排也說文曰撼搖也金鋪以金為鋪首也

吟音宏耕音宏而似鐘音善曰字書擠排也說文曰撼搖也金鋪以金為鋪首也

以為棖衰分飾文杏以為梁羅丰峯之游樹今離

樓梧五而相撐丑耕善曰丰茸衆飾貌游樹浮柱也

邪柱為梧字林曰撐柱也真庚切良曰木蘭文杏木

名棖椽也游樹邪柱也丰茸衆柱貌離樓攢衆木貌梧

逆也撐施瑰木之櫨寶盧今委參差以棟康善曰

瑰奇之木以為櫨盧委積參差以承虛梁說文曰櫨盧

柱上枿也方言曰窟虛也窟與棟同音康銑曰瑰大

屬參差以承虛梁時髮髯以物類兮象積石之將將

善曰楚辭曰時仿佛而遂見說文曰髣髴見不謚也尚書曰導河積石將七羊反向曰積石山名也髣髴象

類五色炫縣以相曜兮煥爛煜而成光善作爛耀耀以成光臣

作錯石之瓠零甕蒲兮象瑋瑋之文章善曰埤蒼曰炫

照也賈逵國語注曰曜明也鄭玄禮記注曰緻密也錯石雜衆石也言累累衆石今之密緻以為瓠甕采色間雜

象瑋瑋之文章也爾雅曰瓠甕謂之甕郭璞曰甕甕也翰曰錯石衆石也瓠甕甕也言累累甕石似瑋瑋之文

張羅綺之幔帷兮垂楚組之連網善曰尚書曰荆州厥

曰組綬類也周禮曰幕人掌帷綬之事鄭司農注曰組綬所以繫帷也濟曰組綬楚人善為之故用以連繫

帷幔也撫柱楣以從容兮覽曲臺之央央白鶴噉叫以哀

號兮孤雌跼於枯楊

善曰爾雅曰楠謂之梁三輔黃圖曰未央東有曲臺殿未央廣貌廣

雅曰噉鳴也

銑曰白鶴孤雌哀鳴跼立於枯楊無滋潤之樹自喻獨悲於深宮

日黃昏而望

絕兮悵獨託於空堂懸明月以自照兮徂清夜於洞房

善曰楚辭曰姱容修態亘洞房向曰黃昏不來望君之心絕矣月在空如懸也徂盡洞深也援雅琴

以變調兮奏愁思之不可長

善曰宋玉諷賦曰援琴而鼓之七畧曰雅琴琴之言

禁也雅之言正也君子守正以自禁也賈逵國語注曰援引也翰曰援持也調謂變常調以奏愁思之曲不

可長者言愁

案流徵以却轉兮聲幼

要妙而復揚善曰宋玉

思常難堪笛賦曰吟清商追流徵良曰案徵絃而却轉聲抑而復揚也幼妙細聲故曰抑也

貫歷覽

其中操兮意慷慨而自仰

昂善曰言依曲次第貫穿而歷覽之至其中操也論語

曰吾道一以貫之琴道曰琴有伯夷之操窮則獨善其身不失其操故謂之操漢書王章妻謂章曰不自激邛如淳注曰激厲抗揚之意也仰五郎切濟曰貫猶次第也操曲也慷慨歎息自仰自激厲也言次第歷其聲至於中曲歎息自激厲也左右悲而垂淚兮涕流離而從橫

善曰流離涕垂

之貌舒息悵而增欵

義虛兮蹠

所

履起而彷徨

步

徨

音黃

善

也悵於悵也楚辭曰惜憫增欵蒼頡篇曰欵泣餘聲也

蹠履足指挂履也蹠與蹠音義同

銑曰舒息長舒氣

也欵歎哀也

也

也

也

也

也

也

也

也

也

也

殃

善

曰說文曰揄引也爾雅曰誓過也

良曰袂袖翳蔽也自數已之過咎

無面目之可顯

也

也

也

也

也

兮遂頽思而就牀

善曰廣雅曰頽懷也言懷其思慮而就牀良曰懷其思慮就牀而寢

搏

徒丸

芬若以為枕兮席荃

銓

蘭而蒞

昌待

香

善曰芬若荃蘭皆香草也

言為枕席真君來而幸臨也搏著也段九切濟曰搏持也芬若荃蘭蒞皆香草持以為枕席以喻修潔其行

忽寢寐而夢想兮魂若君之在傍惕寢覺而無見兮魂

廷廷若有亡

善曰琴操聶政之妻曰聶政出遊七年不歸吾常夢想思見之也廷廷恐懼之貌狂

往切莊子曰君惘然若有亡也廷廷驚貌覺而不見於君若有所失也

銓曰惕驚

衆雞鳴而愁

予今起視月之精光觀衆星之行列兮畢昴出於東方

善曰楚辭曰目眇眇兮愁予言將曉也淮南子曰西方其星昴畢今出東方謂五月六月也向曰子陳后自

稱也畢昂之星晨見東方正秋時也

望中庭之藹藹

於害

今若季秋之降霜

善曰藹藹月光微闇之貌禮記曰季秋之月霜始降

翰曰藹藹月色如季秋之霜也

夜曼曼

五臣

作漫漫莫半切

其若歲兮

五臣無

懷鬱鬱其不可再更

善曰楚辭曰終

長夜之曼曼又曰望孟夏之短夜何明晦之若歲又曰心鬱鬱之憂思兮獨永歎而增傷鄭玄周禮注曰鬱不舒散也越絕書曰計倪曰會稽之饑不可再更濟曰漫漫若歲言夜長也更易也言懷愁鬱鬱不可重易歡樂之時而澹去偃蹇而待曙兮荒亭亭而復明

善曰說文曰澹

搖也李奇曰澹猶動也偃蹇佇立貌也楚辭曰思不眠而極曙王逸曰曙明也莊子廣成子謂黃帝曰自汝治天下日月之光益以荒矣然荒欲明貌亭亭遠貌良曰曙曉也亭亭漸明也澹然佇立待曉荒然漸及明也

妾人竊自悲

五臣有陽字

分究年歲而不敢忘

善曰管子婦對桓公曰妾

人聞之非有內憂必有外患不敢忘不敢忘君也 銑日妾人陳后自謂也究盡也雖盡年歲終不忘君也

思舊賦

并序

向子期

善曰臧榮緒晉書云向秀字子期河內懷人也始有不羈之志康既被誅秀應

本州計入洛太祖問曰聞有箕山之志何以在此秀曰以為巢許未達堯心是以來見反

自後作思舊賦後為黃門郎卒向注同思舊者思其故舊也

余

五臣有少字

與嵇康呂安居止接近其人並有不羈之才

善曰臧榮緒晉書曰嵇康為竹林之遊預其流者向秀劉靈之徒呂安字仲悌東平人也鄒陽上梁孝王書曰

使不羈之士與牛驥同早也
翰曰不羈言不可羈束也
然嵇志
五臣作意
遠而踈呂心

曠而放其後各以事見法

善曰臧榮緒晉書曰安妻甚美兄巽報之巽內慙誣安不

孝啓太祖徙安遠郡即路與康書太祖見而惡之收安付廷尉與康俱死見法謂被法也說文曰法刑也
翰曰康意高遠於人事踈畧安心曠大於俗表放逆
嵇博綜技藝於絲竹特妙臨

當就命顧視日影索琴而彈之

善曰王肅周易注曰綜理事也國語曰先人就

世方言曰就終也文士傳曰嵇康臨死顏色不變謂兄曰向以琴來不兄曰已來康取調之為太平引曲成歎息曰太平引絕於今日邪干寶晉紀云廣陵余
余
五臣無余字

逝將西邁經其舊廬

善曰言昔逝將西邁今返經其舊廬毛詩曰逝將去汝良曰逝往

也西邁者謂秀西行之京也言往日西行
今還而過其舊居舊居即山陽竹林也
于時日薄虞

淵寒冰淒然

善曰淮南子曰日入于虞淵之汜良曰虞淵日入處也

鄰人有吹笛

者發聲寥亮追思

五臣作想

曩昔遊宴

五臣作讌

之好感音而歎

故作賦云

將命適於遠京今遂旋反而北徂

善曰論語曰將命者出戶鄭玄曰將命傳

辭者鄭玄毛詩箋曰將奉也徂行也毛詩曰不能旋反爾雅曰適往也銑曰秀為郡計掾史故云將命北言

北歸濟黃河以汎舟今經山陽之舊居

善曰國語曰秦汎舟於河漢書

河內郡有山陽縣

瞻曠野之蕭條今息余駕乎城隅

善曰西都賦曰原野

蕭條孟子曰孔子自衛反魯息
駕乎河梁毛詩曰俟我乎城隅
踐二子之遺跡兮歷窮

巷之空廬

善曰二子謂呂安嵇康也風賦曰起於窮巷之間向注同

歎黍離之慙

周兮悲麥秀於殷墟

善曰毛詩序曰黍離閔宗周也尚書大傳曰微子將朝周過殷之墟

見麥秀之薪薪此父母之國志動心悲也

惟古昔以懷人

善作

今兮心徘徊以躊躇

躊躇

音除善曰方言曰惟思也說文曰懷念也韓詩曰搔首踟蹰

濟曰徘徊心不安躊躇行不進也

棟宇存而弗毀兮形神逝

五臣作遊

其焉

如善曰家語孔子謂魯哀公曰君仰視榱桷其器皆存而不覩其人也孔安國尚書傳曰如往也良曰謂

嵇呂二子之形神也焉何如之也

昔李斯之受罪

五臣作戮

兮歎黃犬而長

吟

善曰史記曰李斯出獄顧謂其子曰吾欲與若復牽黃犬俱出上蔡東門逐狡兔可得乎銑曰吟歎聲

也悼嵇生之永辭兮顧日影而彈琴託運遇五臣作命於頌

會兮寄餘命於寸陰

善曰運遇五行運轉遇吉凶也頌會冥理相會也鄭玄禮記注曰頌

理也淮南子曰聖人不貴尺之璧而重寸之陰時難得而易失翰曰會合也言康之刑是運遇會合當終之秋索琴而彈是寄命於分寸之陰耳此向生思舊之深故再言也聽鳴笛之慷慨兮妙

聲絕而復尋停駕言其將邁兮遂援翰而寫心

善曰洞蕭賦曰

其妙聲則清淨厭處長門賦曰聲幼眇而復揚停駕言駕將邁遂傳不行毛詩曰駕言出遊廣雅曰將欲也胡廣弔夷齊文曰援翰錄弔以舒懷兮毛詩曰我心寫兮良曰尋續邁行援持也寫心寫思舊之心也

歎逝賦

并序

陸士衡

善同濟注 濟曰臧榮緒晉書云陸機字士衡吳人也年二十閉門勤學流譽

京邑聲溢四表為吳牙門將軍吳平楊駿辟機為太子洗馬為司空張華所重後為江都王穎司馬遂為穎所害逝往也言日月流邁人世易往傷歎是事因而賦焉

昔每聞長老追計平生同時親故或凋落已盡或僅有

存者

善曰論語曰久要不忘平生之言孔安國曰平生少時也賈逵國語注曰僅猶言纔能也 銑曰皆

長老之所談者也凋落死亡也

余年方四十而懿親戚屬亡多存寡睦

交密友亦不半在或所曾共遊一塗同宴一室十年之

內索然已盡以是思哀哀可知矣

善曰左氏傳富辰曰兄弟雖有小忿不廢

懿親爾雅曰昵近也孫林曰親之近也長笛賦曰密友近賓索盡貌也家語孔子謂哀公曰君以此思哀則哀

可知矣

向曰言

乃

善有

賦曰

哀之甚也懿美也

乃為字

伊天地之運流紛升降而相襲

善曰禮記曰地氣上齊天氣下降而百化興焉

鄭玄曰齊讀曰躋躋升也孔安國尚書傳曰襲因也

翰曰伊惟也運流行也升上降下襲因也四時上下相

代謝紛

日望空以駿驅節循虛而警立

善曰警猶驚也

然無極

空虛如駿馬之馳四節謂日所迫曾不得少

嗟人生之

息常自警策而立其節矣此謂歲月之速

短期孰長年之能執

善曰素問雷公曰請問短期黃帝曰在經論中管子曰導血氣而求

長年良時飄忽其不再老晚於晚其五臣將及善曰

曰執守也時不可分再得思玄賦曰辰條忽其不再楚辭曰白

日晚晚其將入良曰飄忽疾貌不再不可再來也晚

晚日暮也比對直瓊藥之無微恨朝霞之難挹一入反

人年老也對直瓊藥之無微恨朝霞之難挹善曰

宇林曰懟恚也西京賦曰屑瓊藥以朝食必性命之可

度楚辭曰嗽正陽而含朝霞毛詩傳曰挹音揖

斟音俱銑曰瓊藥朝霞皆仙者服之以取長望善

年今我將老是瓊藥無驗朝霞不可挹酌也望善

湯谷之善作企遺予惜此景之屢戢善曰山海經曰湯谷

郭璞曰上於扶桑扶桑在上也一日至一日出言交會

相代也毛詩曰企予望之鄭玄曰跂足則可望見之企

與政同賈逵國語注曰惜痛也戢藏也向曰暢谷日

所出也景亦日也戢藏也企予言我企立而望之歎惜

文選

三

此日屢為藏沒使人代謝不居也

悲夫川閱水以成川水滔滔而日度

善曰高誘淮南子注曰閱揔也毛詩曰滔滔江漢濟曰滔滔水流貌揔衆水而成其川終日流去而後水相

續世閱人而為世人冉冉而行暮

善曰夫世之得名緣於君上人之父子相

繼亦取其名故以一代之人通呼為世人楚辭曰冉冉冉而逾施廣雅曰冉冉進也濟曰冉冉人老貌言揔

衆人而成于世終日老謝而後人相繼人何世而弗新世何人之能故

善曰

言皆滅亡而不能故銑曰野每春其必華草無朝而以新代故是以不能故也

遺露

善曰野每春其必華喻人何世而弗新草無朝而遺露喻世何人之能故夫露之在草無一朝有餘

以喻人之居世無一時而能故也王逸楚辭注曰遺餘也良曰無朝遺露無一朝而不有露也經終

古而常然率品物其如素

善曰楚辭曰長無絕兮終古周易曰品物咸亨鄭玄禮

記注曰素故也

向曰素舊也言人世互新雖及終古而常若此至於物類亦如舊日

譬日及之

在條恒雖盡而弗

五臣善曰言命之行逝譬乎日及作不悟雖至於盡而不能悟潘居朝

菌賦曰朝菌者世謂之木槿或謂之日及翰曰悟雖覺也日及木槿華也朝榮夕落漸至於盡不即覺也

不寤

善作悟

其可悲心惆焉而自傷亮造化之若茲吾安

取夫久長

善曰廣雅曰惆痛也爾雅曰亮信也淮南子曰大丈夫無為與造化逍遙濟曰惆悵也

安何痛靈根之夙殞怨具爾之多喪

平聲協韻善曰靈根祖補也具爾

也
兄弟也南都賦曰固靈根於夏葉良曰靈根靈木之根喻祖考也夙早殞沒也具爾謂兄弟也詩云戚戚兄

弟莫遠具爾

悼堂構之潰

五臣作頽

瘁

愍城闕之丘荒

善曰尚書曰厥

子乃弗肯堂矧肯構瘁猶毀也毛詩曰在城闕兮

曰堂構祖考所構之堂皆崩頽毀瘁城闕亦丘墟荒蕪

此機情多傷吳亡矣親彌懿其已逝交何戚而不亡

善作之方殆何視天之茫茫

善作芒芒傷懷悽其多

念感善作貌瘁而眇

五臣作鮮歡幽情發而成緒滯思叩而興端

善曰蒼頡篇曰瘁憂也瘁與而外揚良曰言我慘此世之無樂詠在昔而為言居

懷傷叩發自多端緒

充堂而衍宇行連駕而比軒彌年時其詎幾夫何往而

不殘

善曰毛詩曰自古在昔充滿於堂盈衍於宇皆殘滅也爾雅曰彌終也銑曰言昔時賓族衆盛若

此也充滿衍溢也向曰詎幾無多也言思昔雖已終年時亦無多日也而親戚舊人無不殘滅或冥

邈而既盡或寥廓而僅半

平聲協韻善曰說文曰冥窈也廣雅曰寥深也廓空也

信松茂而栢悅嗟芰焚而蕙歎

平聲協韻善曰毛詩曰如松之茂淮南子曰

巫山之上順風縱火紫芝與蕭艾俱死栢悅蕙歎蓋以自喻翰曰同類相感也冥邈久遠也僅纔也芰蕙香

草也言親友既逝其情無聊

苟性命之不

善作

殊豈同波而異瀾

善曰

言人之性命脆促不殊譬水同波而無異瀾也濟曰性命波瀾既同賓族盡歿自思將復同此

瞻前

軌之既覆知此路之良難

善曰此路死路也晏子春秋曰前車覆後車戒良曰軌

車也言觀前車之覆重涉其路固以難也

啓四體而深悼懼茲形之將然

善曰

論語曰曾子有疾召門弟子曰啓予足啓予手銑曰懼已將復化也

毒娛情之

善作寡

方怨感目之多顏

善曰廣雅曰毒痛也歸田賦曰聊以娛情方術也多顏謂亡者既多而非

一狀也

向曰毒病寡少

五臣

多顏之感目神何適

而獲怡

善曰爾雅曰怡樂也

翰曰亮善怡悅也顏之

得尋平生於響像覽前物而懷之

善曰夫響以應聲像以寫形今形聲既亡

故尋其響像魯靈光殿賦曰忽縹渺以響像

濟

日尋思親故音響形像見昔時器物而為增懷也

步寒

林以悽惻翫春翹而有思觸萬類以生悲歎同節而異

時

善曰翹茂威貌毛詩曰翹翹錯薪河圖曰地有九州以苞萬類魏文帝與吳質書曰節同時異濟曰翹

英也言節序雖同而時人各異也

年彌往而念廣塗薄暮而意迕

音責善

曰楚辭曰年洋洋而日往史記伍子胥曰日暮塗遠故倒行而逆施之聲類曰迕迫也阻格切良曰如行者塗路尚遠而日已暮以喻天甚長而人已老是以意迫迕也親落落而日稀友靡靡

而愈索顧舊要於遺存得十一於千百

善曰落落稀貌靡靡盡貌索協

韻所格切舊要猶久要也遺餘也言顧久要於遺存之中得十一於千百之內十一者謂通千百而計之十分而得其一言亡多而存寡也論語曰久要不忘平生之言銑曰靡靡少貌索盡要妙也舊十今得其一舊

十今得其百蓋

樂隕

善作

心其如亡哀緣情而來宅

善

薛君韓詩章句曰隕猶遺也

向曰隕

託末契於後生

余將老而為客

善曰說文曰契約也論語子曰後生可畏古詩曰人生天地間忽如遠行客

翰曰言後生見我老不與我交以禮相待復增其憂耳末契下交也

然後彌節安懷妙

思天造

善曰楚辭曰夕弭節于北渚王逸曰弭安也論衡曰孔子作春秋秋妙思自出胸中周易曰天造

草昧

濟曰弭低也以為理不可強

精浮神淪忽在世

故低志節安懷抱妙思天之造物

表寤大暮之同寐何矜晚以怨早

善曰表外也大暮猶長夜也言覺斯理則

晚死者何足矜早夭者何傷也繆熙伯挽歌曰大暮安可晨寐猶死也古詩曰潛寐黃泉下

銑曰乃寤古今

為長夜天下同寢寐復何有早晚指彼日之方除豈茲

情之足攪

音狡 善曰毛詩曰日月其除又曰祇攪予心毛萇曰攪亂也

向曰除去也言彼日之

去乃常事耳何足攪亂我情而使憂也

感秋華於衰木痺零露於豐草在

殷憂而弗違夫何云乎識道

善曰言達人之志混齊死生今反感衰木之秋華思

堂草之零露是乃在殷憂而不去何云於識道乎毛詩

曰零露團兮又曰在彼豐草韓詩曰耿耿不寐如有隱

憂毛萇曰連去也法言曰委大聖而好乎諸子者惡覩

其識道也殷法也 翰曰至如感病於秋華衰木零露

茂草之節是不避深憂之人豈得將頤天地之大德遺

云識道士也痺病豐茂違避也

聖人之洪寶

善曰爾雅曰頤養也周易曰天地之大德曰生聖人之大寶曰位 濟曰洪大也言

將養生而

道榮也 解心累於末迹聊優游以娛老

善曰莊子曰解心之繆去

德之累容動色治氣意六者繆心者也惡欲喜怒哀樂六者累德者也累猶負也毛詩曰優哉游哉亦是戾矣班固漢書述曰疏克有終散金娛老良曰言遊道德以解中心憂累下末之迹優遊自娛以終老也

懷舊賦

并序 善曰懷舊賦者懷思也謂思於親舊而賦也

潘安仁

余十二而獲見於父友東武戴侯楊君始見知名遂申

之以婚

五臣作昏

姻

善曰臧榮緒晉書曰岳父芑琅邪內史潘岳楊肇碑曰肇字季初榮陽人封東

武伯薨謚曰戴芑音毗言岳有名譽為肇所知漢書曰官皇帝知名者賈弼之山公表注曰楊肇女適潘岳左

氏傳晉呂相絕秦曰相好戮力同心申之以婚姻向
曰岳父居與東武伯楊肇嘗同為官故曰友戴謚余自
謂也申而道元公嗣亦隆世親之愛善曰賈弼之山公
表注曰肇生潭字

道元太中大夫次詔字公嗣射聲司馬銑曰肇子亦
與岳崇代親而相愛也謂子父各相友代代相親愛

不幸短命父子凋殞善曰論語孔子曰有顏回者不幸
短命

短命逝余既有私艱且尋役于外善曰私艱謂家難也
毛詩曰未堪家多難

余又集于蓼尋役謂之仕也王充論衡曰充
罷州後濟曰岳自遭父憂後徙官外郡不厯嵩丘

之山者九年于茲矣今而經焉慨然懷舊而賦之曰善
曰

陸機洛陽記曰嵩高在洛陽東南五十里
良曰楊肇塋墓嵩山岳望之而念舊也

啓開陽而朝邁濟清洛以徑渡

善曰應劭漢官儀曰開陽始成未有名夜有一

柱來樓上琅邪開陽縣上言南門一柱飛去光武使視之因刻記某年月日以名門焉楚辭曰不能凌波以徑

度銑曰邁行

晨風淒以激冷夕雪曷

胡以掩路善曰

徑直啓開也

曰曷白也

曰晨風朝風也

轍含冰以滅軌水漸

子兼轍以凝沍故

反善曰顏延年纂要解曰車跡曰軌軌並輪謂之軻

王逸楚辭注曰軻支輪木也廣雅曰漸漬也字林曰凝

冰也杜預曰沍閉也翰曰車轍冰合而滅軌塗艱屯

迹水入車輪凝凍也軌迹漸入軻輪沍凍也

其難進日晡

斜晚而將暮

善曰周易曰屯難楚辭曰日晡

陰阻也晡

晚日落貌仰晞歸雲俯鏡泉流

善曰傳毅七激曰仰歸雲邈遊風西都賦曰鏡

清流 濟曰
晞視鏡鑑也

前瞻太室傍眺嵩丘

善曰山海經曰太室之山郭璞曰即中嶽

嵩高山也今在陽城縣西漢書曰太室嵩高也戴延之
西征記曰嵩高中嶽也東謂太室西謂少室挺名嵩也
小說曰昔傅亮北征在河中流或人問之曰潘安仁作
懷舊賦曰前瞻太室旁眺嵩丘嵩丘太室一山何云前
瞻旁眺哉亮對曰有嵩丘山去太室七十里此是寫書
誤耳良曰太室嵩丘皆中岳名今云前瞻旁眺似是
他山恐傳寫之誤太室山
名在南多以爲此前瞻矣
注曰瑩冢田也賈逵國語註一井
爲疇銑曰即楊肇瑩墓疇隴也
嶽音秋善曰崔豹古今注曰堯設誹謗之木今之華
表也以橫木交柱頭古人亦施之於墓爾雅曰櫟大
而散嶽郭璞曰老乃皮散皆爲嶽也
曰表華表也巖巖高貌嶽木名列列行貌望彼嶽矣感

于予思

去聲 善曰尚書曰孜孜

既興慕於戴侯亦悼元而哀

嗣墳累累以接隴

善作壘壘而接隴

栢森森以攢植

直利反協韻 善曰

古樂府詩曰還望故鄉鬱何壘廣雅曰壘重也說文曰壘丘也仲長子昌言曰古之葬植松栢梧桐以識其墳鄭玄周禮注曰植根生之屬 翰曰戴侯即楊肇元即道元嗣即公嗣也 良曰累累墳隴接連貌森森盛貌植生也

何逝沒之相尋曾舊章之未異

善曰禮記曰朋友之墓有宿草而不

哭焉鄭玄曰宿草陳根言相尋而逝舊草未及變異也

余搃角而獲見承戴侯

之清塵名余以國士眷余以嘉姻

善曰毛詩曰總角非孔安國尚書傳曰

承奉也楚辭曰聞赤松之清塵史記豫讓曰智伯國士遇我我故國士報之 向曰搃角童子髻也岳是時見

楊肇肇以岳為國士故與昏
姻也清塵猶清風皆美言也
自祖考而隆好逮二子而

世親歡攜手以偕老庶報德之有鄰

善曰毛詩曰君子偕老家語孔子曰

詩云皇皇上帝其命不忒天之與人必報有德論語孔

子曰德不孤必有鄰翰曰偕俱也逮及也二子謂道
元與公嗣也恨不得與二子俱老
相與為鄰而我得報國士之德
今九載而來歸善作

空館閒其無人

善曰周易曰窺其戶閒其無人陳
曰閒靜也濟曰館宅也閒空也陳

芟被于堂除舊圃化而為薪

善曰鄭玄禮記注曰宿草陳根也方言曰芟根也音

階說文曰除殿堦也良曰除階道也
圃園也薪樵也室宇無人故生草大也

步庭廡以徘徊

涕泣流而霑巾

善曰說文曰廡堂下周屋禮記曰孔子
泣然流涕張平子四愁詩曰側身北望

涕霑巾泣胡犬切

翰曰庶

長屋也流泣淚下貌

中衣襟

宵展轉而不寐驟長歎以

達晨

善曰毛詩曰展轉伏枕漢書曰劉向或夜觀星宿不寐達旦銑曰宵夜也展轉反側也驟數也晨

明也獨鬱結其誰語聊綴

五臣

思於斯文

善曰楚辭曰遭沈濁而汚穢兮

獨鬱結其誰語

濟曰鬱結意不申貌言我將與誰語但擬採餘思於斯文矣

寡婦賦

并序善曰寡婦者任子咸之妻也子咸死安仁序其寡孤之意故有賦焉少無夫

寡曰

潘安仁

樂安任子咸者

善無者字

有韜世之量

善曰賈弼之山公表注曰護字子咸奉車

都尉廣雅曰韜藏也言度之大苞藏與余少而歡焉雖一世也句曰任子咸樂安郡人也

兄弟之愛無以加也

善曰范曄後漢書曰姜肱與二弟仲海季江友愛天至良曰歡愛

加過不幸弱冠而終

善曰論語孔子曰有顏回者不幸短命禮記曰二十曰弱冠良曰

同良友既沒何痛如之其妻又吾姨也

善無也字善曰孫卿子曰夫

人必將擇良友而友之賈弼之山公表注曰楊肇次子適任護毛詩曰邢侯之姨左氏傳曰蔡哀侯娶於陳息侯亦娶焉息妫將歸過蔡蔡侯曰是吾姨也翰少喪曰妻之姊妹曰姨咸妻則岳妻之姊妹吾岳自稱

父母適人而所天又殞

善曰家語曰女年十五有適人之道適謂往嫁也喪服傳曰父

者子之天夫者婦之天蔡伯喈女賦曰當三春之嘉月將言歸於所天句曰言咸妻少喪其父母以之適咸

而咸又逝也

孤女藐

邈焉始孩

善曰左氏傳晉獻公曰以是藐諸孤孟子曰孩提之童無

不知愛其親者趙岐曰孩提謂二三歲之間始孩笑可提抱者

向曰藐孤藐孩嬰兒

斯亦生民

五臣作人之至艱而荼

徒

毒之極哀也

善曰尚書曰不忍荼毒孔安國曰荼毒苦

也艱難也

昔阮瑀既沒魏文悼之並命知舊作寡婦之

賦

善曰魏文帝寡婦賦序曰陳留阮元瑜與余有舊薄命早亡故作斯賦以叙其妻子悲苦之情命王粲等

並作之曰悼傷也

余遂擬之以作

善無

叙其孤寡之心焉其

辭曰

嗟余生之不造兮哀天難去

之匪忱

市林反善曰毛詩曰閔予小子遭

家不造天難匪忱言天行禍難不由誠信也爾雅曰忱信也良曰余為成妻稱也造成忱誠也言我生遭家

不成而喪父是天降禍少伶零俦匹成切而偏孤兮痛難雖有誠信不能攘却

怵怵怵達以摧五臣心善曰偏孤謂喪父也古猛虎行力丁切毛詩曰勞心怵怵又曰勞心怵怵毛萇曰怵怵

憂勞也又怵怵猶怵怵也銑曰伶俦單子貌母在故云偏孤怵怵悲傷

也如切割其心也覽寒泉之遺歎兮詠蓼我之餘音善曰寒泉謂母存也蓼我謂父母俱亡也向曰詩云爰有寒泉在浚之下有子七人母氏勞苦又蓼蓼

者我匪我伊蒿哀哀父母生我劬勞此皆孝情長感以子思養其親故覽詠是篇而有遺歎餘音也

永慕兮思彌遠而逾深善曰長笛賦曰長感感不能聞居今曹子建應詔詩曰長懷永

文選

慕翰曰言思親之深伊女子之有行去兮爰奉嬪於

高族

善曰毛詩曰女子有行遠父母兄弟尚書曰嬪于虞孔安國曰奉行婦道於虞氏濟曰伊惟也女

子謂咸妻稱也有行謂自修德行也高族承慶雲之光謂咸族望高也奉嬪謂奉行婦道於咸家

覆兮

五臣無兮荷君子之惠渥善曰慶雲喻父母也史記曰若煙非煙若雲非雲郁郁紛

紛蕭索輪菌是謂慶雲楚辭注曰慶雲喻尊顯君子謂夫也毛詩曰既見君子不我遐棄詩傳曰渥厚也良

曰女言承父母餘蔭光顧菑菑力之蔓延去兮託微莖

於樛

居善曰葛藟二草名也言二草之託樛木喻婦幽木人之託夫家也毛詩曰南有樛木葛藟纍之

毛萇曰木下曲曰樛纍猶蔓也樛居懼身輕而施去重

虬切纍力追切

銑曰蔓延柔弱貌

今若履冰而臨谷

善曰曹植鸛鵒賦曰怨身輕而施重恐往惠之中虧丁儀妻寡婦賦曰恐

施厚而德薄若履冰而臨淵毛詩曰惴惴小心如臨于谷又曰戰戰兢兢如履薄冰

向曰施思也履冰臨谷

戒慎 遵義方之明訓今憲女史之典戒

善曰蔡邕表公夫人碑曰義之

訓如川之流毛萇詩傳曰古者后夫人必有女史曰石蜡云教子以義方言遵奉我家德義之方以為明

訓古者后妃皆有女史我取以為法則典戒也 奉蒸嘗以效順今供灑善作 掃

以彌載

善曰禮記曰天子諸侯宗廟之祭春杓夏禘秋嘗冬蒸又曰女於大夫曰備掃灑毛詩傳曰灑

掃也又曰教成之祭牲用魚芼之以蘋藻所以成婦順也毛萇詩傳曰洒灑同班婕妤自傷賦曰供灑掃於帷

幄永終死以為期爾雅曰彌終也 濟曰言彼詩人之供奉祭祀灑掃之禮效柔順之道以彌年載

攸歎兮徒

五臣作從

願言而心悔

音妹

善曰毛詩曰願言思伯使我心悔毛萇曰悔

病也音妹

銑曰願言偕老而不遂使我心痛為下文張本

何遭命之奇薄兮邁天

禍之未悔

善曰魏文帝善哉行曰自惜奇薄少離凶殃爾雅曰邁遇也天禍未悔言天降禍于已未

有悛悔之心也左氏傳曰天其悔禍于我榮華煜其始

茂兮良人忽以捐背

善曰丁儀妻寡婦賦曰榮華煜其始茂所將奄其俱泯楚辭曰及榮

華之未落王逸曰榮華喻顏色也孟子曰齊人有一妻一妾而處室者其良人出必饜酒肉而後反劉熙曰婦

人稱夫曰良人孔安國曰捐棄也靜閨門以窮

居兮塊然

善曰丁儀妻寡婦賦曰靜閉門以却掃塊孤惻以窮居濟曰

閨閉也塊獨居貌靡無也

易錦茵以苦

席今代羅幃

直以素帷善

丁儀妻寡婦賦曰刷朱闕以白垚易玄帳以素幃桓子新論曰吾謂楊子曰君數見乘與錦綉茵席禮記曰父

母之喪寢苦枕塊楚辭曰弱阿拂壁羅幃張爾雅曰幃謂之帳幃丈尤切良曰茵褥也居喪者寢苦張素帷

言居夫喪故以苦席易錦褥以素帷代羅幃幃帳也

命阿保而就列今覽巾簟

甲所

以舒悲

善曰列女傳曰齊孝孟姬曰后妃下堂必從傳母保阿簟扇也

銑曰阿保傳母也就列就哭

位之行列簟扇也巾簟感平生服

口鳴噎

因結

以失聲兮

淚橫迸而霑衣

善曰韓詩外傳曰鳴歎聲也毛萇詩傳曰咽憂不能息也家語曰公父大伯卒

其妻妾行哭失聲丁儀妻寡婦賦曰涕流迸以淋浪愁字書曰迸散走也波諍切向曰鳴噎哭泣貌迸散也

煩冤其誰告兮提孤孩於坐側

善曰誰告言告誰也丁儀妻寡婦賦曰含慘悴

其何訴抱弱子以自慰王粲寡婦賦曰提孤孩兮出戶與之步兮東廂坐側靈坐之側也 翰曰注同 時

曖曖

愛

而向昏兮日杳杳而西匿

善曰楚辭曰時曖曖其將罷王逸曰曖曖

昏昧貌楚辭曰日杳杳而西顏丁儀妻寡婦賦曰時翳翳而稍陰日疊疊以西墜曹植贈白馬王詩曰白日忽西匿 濟曰曖曖不明貌昏黃昏也杳杳遠貌匿藏也 崔羣飛而赴楹兮鷄登棲

五臣作栖

而飲翼

善曰秦嘉贈婦詩曰啾啾鷄雀羣飛赴楹丁儀妻寡婦賦曰鷄飲翼以登棲雀分散

以赴羣

良曰楹柱

歸空館而自憐兮撫衾幃以歎息

善曰楚辭曰私自憐兮何極毛詩曰抱衾與綯毛萇詩傳曰衾被也綯單被也 銑曰館宅也自憐失其偶也

衾被幘帳也

思纏綿以瞽

莫亂

兮心推傷以愴惻

善曰張昇與任彦堅

書曰纏綿思好庶蹈高蹤楚辭曰中瞽亂兮迷

感瞽莫遘切向曰瞽亂迷惑也愴惻悲傷也

曜靈晻

五臣作驛

而遄邁兮四節運而推移

善曰楚辭曰耀靈晻而西征易乾鑿度孔子曰

天有春秋冬夏之節故主四時古歷九秋篇曰寒暑推移翰曰曜靈日也驛馳遄疾邁行也四節四時也運

流也推移不停也

天凝露而

善作

降霜兮

無兮

木葉落而殞枝

善曰毛萇詩傳曰隕墜也時露凝而為降霜殞落也木葉落於枝

仰神宇之寥寥

兮

瞻靈衣之披披

善曰曹植九詠曰葛蔓滋兮冒神宇廣雅曰寥深也空廊

寥寥也楚辭曰靈衣兮披披室也寥寥空也靈衣夫平生衣披披動貌

良曰神宇靈

退幽悲於

堂隅兮進獨拜於牀垂

善曰楚辭曰日暮黃昏嗟幽悲王粲神女賦曰登筵對兮倚牀

垂良曰幽深也隅角也牀靈座也垂邊也

耳傾想於疇昔兮目髣髴乎平

素

善曰左氏傳羊斟曰疇昔之羊子為政杜預曰疇昔猶前日也楚辭曰時髣髴以遙見曹植任城王誄曰

目想宮城心存平素

銑

雖冥冥而罔覲兮

五臣無

猶

依依以憑附

善曰冥冥幽昧也蘇武詩曰胡馬失其羣思心常依依依依思戀之貌小雅曰憑依

也向曰罔無覲見

痛存亡之殊制兮將遷神而安措

善曰丁儀妻寡婦賦曰痛存亡之異路將遷靈以大行厝置也孝經曰卜其宅兆而安厝之翰曰遷神安措

謂遷槨歸葬也與生者異故云殊制也

龍輶而儼以

善作

星駕兮飛旒

兆

翩以啓路

善曰丁儀妻寡婦賦曰駕龍輜於門側旒纒紛以飛揚禮記有龍輜鄭玄注曰龍輜畫轅

為龍也說文曰輜喪車也音而毛詩曰星言夙駕禮記曰孔子之喪公西赤為志焉設旒夏也然旒喪柩之旌

也楚辭曰前飛廉以啓路濟曰儼端貌星駕早駕也旒引櫛幡也翩飛貌謂先路而行輪按軌

以徐進兮

五臣無兮字

馬悲鳴而跼顧

善曰李陵詩曰轅馬顧悲鳴楚辭曰僕夫

悲余懷兮馬跼顧而不行局與跼古字並通渠足切良曰軌跡也跼顧踳顧盼不前也潛靈貌

其不反兮殷憂結而靡訴

善曰毛詩曰耿耿不寐如有殷憂毛詩曰心之憂矣如或

結之靡訴言無所告訴也銑曰潛靈晞形影於几筵幽潛不復還也殷深也靡訴無所告訴晞形影於几筵

兮馳精爽於丘墓

善曰家語曰俯察几筵其器存而不視其人說文曰晞望也左氏傳樂祁

曰心之精爽是謂魂魄向曰晞視也自視形影自仲
雖在几筵之前而魂魄精爽以馳入於丘墓也

秋而在疚今踰履霜以踐冰善曰丁儀妻寡婦賦曰自
節韓詩曰惛惛在疚鄭玄毛詩箋曰在憂病之中周易

曰履霜堅冰至翰曰在疚居喪也履霜踐冰經秋冬
之節

雪霏霏而驟落今風瀏瀏而風興善曰丁儀妻寡
婦賦曰風蕭蕭

而日勁雪翩翩以交零毛詩曰雨雪霏霏楚辭曰秋風
瀏以蕭蕭王逸曰瀏風疾貌濟曰驟數也瀏瀏風聲

風早興雷泠泠而夜下今冰善作謙謙以微
起也救

凝善曰丁儀妻寡婦賦曰霜淒淒而夜降水謙謙而晨
結說文曰雷屋水流也又曰謙謙薄冰也力檢切

良曰雪夜消而雷于簷也泠泠雷聲意愔愔以遷越
謙謙薄冰貌言雷下及地復凝為冰

今神一夕而九升

善曰老子曰惚兮恍兮其中有象楚辭曰惟途路之遼遠魂一夕而九逝

定其

銑曰言意迷亂遷越不

庶浸遠而哀降兮情惻惻而

彌甚

善曰東觀漢記曰上賜東平王逸書曰歲月驚過山陵浸遠向曰浸漸也以為時序漸遠哀情降

歎而酸惻之懷日以甚也

願假夢以通靈兮

五臣無

目炯炯

古

而不

寢

善曰陳琳神女賦曰儀營魄於髣髴託嘉夢以通精楚辭曰夜炯炯而不寐炯公冷切翰曰假借也通

靈通夫之神靈也炯炯目不閉而先也寢寐也憂思多故無寐也

夜漫漫以悠悠兮寒

淒淒以凜凜氣憤薄

五臣作慙

而乘胸兮涕交橫而流枕

善曰

楚辭曰終長夜之曼曼楚辭曰去白日之昭昭襲長夜之悠悠毛詩曰秋日淒淒說文曰凜凜寒也丁儀妻寡

婦賦曰氣憤薄而

文縈撫素枕而歔歔長笛賦曰泣血

泣然交橫而下

濟曰漫漫悠悠長貌凄凄凜凜冷貌

憤懣鬱結也

亡魂逝而永遠今時歲忽其道盡

善曰丁

乘胸上胸也

婦賦曰神爽緬其日永歲功忽其已成楚辭曰歲忽忽

良曰永

而道盡毛萇詩傳曰道終也廣雅曰道忽也

良曰永

長道

容貌

洛

以頓悴兮左右淒其相慙

善曰鸛鵒賦曰

終也

罪

以頓悴兮左右淒其相慙

容貌慘以顯

賴丁儀妻寡婦賦曰顧賴貌之瓶瓶對左右而掩涕洞

簫賦曰築跖鬻博偶頓頓賴說文偶敗也瓶普楹切銑

曰偶毀也頓悴憔悴也左

感三良之殉秦兮甘捐生而

右見我如此悽然相慙也

感三良之殉秦兮甘捐生而

自引

善曰毛詩秦風曰黃鳥哀三良也國人刺穆公以

人從死而作是詩左氏傳曰秦穆公卒以子車氏

之三子奄息仲行鍼虎為殉皆秦之良也杜預曰以人

從葬為殉自引自殺也漢書主簿謂王嘉曰君侯宜引

決向曰言我感此三賢且欲捐奔生命自死以從於咸鞠稚子於懷抱兮嗟低徊

而不忍

善曰王餐寡婦賦曰欲引刃以自裁顧弱子兮復亭史記曰楚懷王稚子蘭毛詩曰母兮鞠我

出入腹我毛萇曰鞠養也鄭玄曰腹懷抱也翰曰稚子則謂孤女也顧此低徊復不忍棄此而死也嗟歎也

獨指景而心誓兮雖形存而志殞

善曰韓詩曰謂余不信有如皎日楚辭曰

辭靈修而閔志濟曰指日心誓歎以自明也其形雖存志已與咸俱亡

重曰仰皇穹兮歎

息私自憐兮何極省微身兮孤弱顧稚子兮未識如涉

川兮無梁若凌虛兮失翼

善曰皇穹天也周易曰利涉大川楚辭曰江河廣而無梁

丁儀妻寡婦賦曰鳥凌虛以徘徊良曰穹天省察也女子幼推未能識咸也銑曰涉川無梁不可濟也凌

虛失翼不可飛也
自

上瞻兮遺像下臨兮泉壤

善曰象謂形像

也以其已化故謂之遺也
向曰遺象咸之形象

窈冥兮潛翳心存兮目想

善曰

魏太祖祭橋玄文曰幽靈潛翳心存
目想 翰曰窈冥幽深也翳滅也

奉靈坐兮肅清想

空宇兮曠朗

善曰想亦訴也 濟曰靈坐虛座

廓孤立兮

顧影塊獨言兮聽響

善曰楚辭曰廓抱影而獨倚丁儀妻寡婦賦曰賤妾煢煢顧影為儔

聽者欲一視聞咸之影響

顧影兮傷摧聽響兮增哀遙

逝兮逾遠緬邈兮長乖

善曰國語聲子曰椒舉奔鄭緬然引領南望賈逵曰緬思邈也

連貌非離也 濟曰緬邈長

四節流兮忽代序歲云暮兮日西頽

善曰

楚辭曰日月忽其不淹春與秋兮代序古詩曰凜凜歲云暮說文曰顚墜也向曰四節四時也霜被

庭兮風入室夜既分兮星漢迴善曰韓子曰衛靈公至濮水夜分而聞有鼓琴

者魏文帝雜詩曰天漢迴西流夢良人兮來遊若閭闔向曰被覆也夜分夜半也

兮洞開善曰楚辭曰倚閭闔而望兮惘驚謂夫閨闔天門今以為室門蓋亦通信也

悟兮無聞超愴昌兄兮慟懷善曰方言曰怛痛也莊子曰君愴然若有怵老

子曰怵兮怵兮其中象良曰慟懷兮奈何言陟兮但驚貌悟覺也愴者哀之極也

山阿善曰爾雅曰大陵曰阿墓門兮肅肅修隴兮峨

峨善曰毛詩曰墓門有棘方言曰無墳謂之墓秦晉之

高貌孤鳥嚶嚶

善無一

今悲鳴長松萋萋

善無一

今振柯

向曰嚶鳥聲萋茂貌風來振其柯條

哀鬱結今交集淚橫流今滂沱

善曰楚辭

曰鬱結紆軫今又曰涕流交集班婕妤自傷賦曰雙淚下今橫流毛詩曰涕泗滂沱

翰曰鬱結積聚也滂沱

多貌蹈恭姜今明誓詠栢舟今清歌終歸骨今山足存憑

託今餘華要吾君今同穴之死矢今靡他

善曰班婕妤自傷賦曰願

歸骨於山足依松栢之餘休毛詩曰穀則異室死則同穴又曰鬢彼兩鬢實惟我儀之死矢靡佗毛萇曰矢誓

也之至也言至己之死信無佗心良曰蹈履也詩序曰栢舟共姜自誓也衛太子共伯早死其妻守義父母

欲奪而嫁之誓而不許詩曰之死矢靡他之至矢誓靡無也言至死誓無他心自言守志而詠是詩餘華餘年

也吾君謂夫也言終
當歸骨同於墓穴

恨賦

江文通

善曰劉琨梁典曰江淹字文通濟陽人也六歲能屬詩及長愛奇尚異宋桂陽

王舉秀才齊興為豫章王記室天監中為金
紫光祿大夫卒
翰曰同善注嘗謂古人遭

時否塞有志不
申而作是賦也

試望平原蔓草縈骨拱木斂魂

善曰毛詩曰野有蔓草左氏傳秦伯謂蹇叔曰

中壽爾墓之木拱矣古蒿里歌蒿里誰家地聚斂魂魄
無賢愚
向曰淹望見平原陵墓蔓延之草合拱之木

縈遶人骸骨有如聚
斂魂魄於是中也

人生到此天道寧論

翰曰人生至於此誰復論

其天於是僕本恨人心驚不已直念古者伏恨而死

善曰

列女傳曰趙津吏女歌曰誅將加兮妾心驚濟曰僕者淹自稱也恨人恨志不就也復念古人有如我恨而

至死者至如秦帝按劍諸侯西馳

善曰說苑曰秦始皇太后不謹幸即嫪毐

始皇按劍而坐戰國策蘇代曰伏軾而西馳良曰秦帝始皇也按劍而怒則六國諸侯西馳朝秦此言始皇

強盛若削平天下同文共規

善曰禮記曰書同文車同軌銑曰規法也既平六

國天下同華山為城紫淵為池

善曰過秦論曰踐華為城因河為池上林賦曰

紫淵經其北

何曰紫淵水名在西河遠取山水以為城池明壯大也

雄圖既溢武力未

畢方架

五臣作駕字

竈鼉以為梁巡海右以送日

善曰鄭玄毛詩箋曰

方且也紀年曰周武王伐紂東至九江叱鼃鼃以為梁
列子曰穆王駕八駿之乘乃西觀日所入翰曰吞一

宇內心猶未已方將駕鼃鼃以一旦魂斷宮車晚出善
為橋梁度西海而送日入也

史記王指謂范雎曰宮車一日晏駕是事不可知也韋
昭曰凡初崩為晏駕者臣子之心猶謂宮車當駕而晚

出濟曰一朝逝往魂神斷絕天子崩謂宮車若乃趙
晏駕晚出晏駕也志未蒲而身遽終不其恨邪

王既虜遷於房陵

善曰淮南子曰趙王遷流房陵思故鄉則為山木之謳聞者莫不隕涕高

誘曰秦滅趙虜王遷徙漢中房陵山木之謳歌曲也

薄暮心動昧旦神興別豔姬

與美女喪金輿及玉乘

善曰楚辭曰薄暮雷電高唐賦曰使人心動左氏傳曰昧旦丕

顯杜預左氏傳注曰美色曰豔史記為之金輿鉶衡以繁其飾玉乘玉輅也銑曰憂恚相積故心動神興豔

姬美女金與王乘皆王者說服於此喪別矣

置酒欲飲悲來填膺千秋萬歲

為怨難勝

善曰漢書曰上置酒沛宮鄭玄禮記注曰填

秋之後子誰與為樂也向曰膺胸也至如李君降北嘗為君王遠逐若此其恨固不可勝也

名辱身冤

善曰漢書曰李陵至浚稽山與匈奴相值戰敗遂降孫卿子曰功廢而名辱社稷必危

翰曰李陵與匈奴戰力窮不勝降匈奴是名之辱身之冤也

拔劍擊柱弔影慙魂

善曰

漢書曰羣臣爭功或妄呼拔劍擊柱曹子建表形影相弔晏子春秋曰君子獨寢不慙於魂濟曰其心不平

故拔劍擊柱朝行弔其影夜寐慙其魂以思已敗

情往上郡心留鴈門

善曰漢書有上

郡鴈門郡並秦置良曰上郡鴈門皆漢之塞也陵常思歸漢故心情存於此

裂帛繫書誓還

漢恩

善曰漢書曰常惠教漢使者謂單于言天子射上林中得鴈足有係帛書蘇武等在某澤中李陵書

曰欲如前書之言報恩於國主耳

銑朝露溘至握手

何言

善曰漢書李陵謂蘇武曰人生如朝露何久自苦如此楚辭曰寧溘死以流亡王逸曰溘奄也史記

繆賢曰燕王私握臣手曰願結交潘岳邢夫人詩曰臨命相決交腕握手向曰溘奄也人如朝露豈可久也

奄然至此握手何言陵圖報漢德終而不成為恨固已多也然此皆隨淹賦意而言事不如此且陵自降匈奴漢誅其族便怨於漢沒身匈奴中非有報恩之意按此乃淹文之誤矣

若夫明妃去時仰

天太息

善曰戰國策曰樊於期仰天太息流涕王昭君齊國王襄女也年十七獻漢元帝會匈奴遣使請一女子帝謂後宮欲至單于者起昭君喟然

而歎越席而起乃賜單于後為解晉文帝諱改為明妃

君者貴人通稱

紫臺稍遠關山無極

善曰紫臺猶紫宮也古樂府相和歌有度關山曲

濟曰紫臺宮也天子所居處明妃適單于故云稍遠極窮也

搖風忽起白日西匿

善曰

爾雅曰颯颯謂之颯颯音扶颯與搖同登樓賦曰白日忽其西匿渚岳寡婦賦曰日杳杳而西匿良曰搖風

飄風也隴鴈少飛岱雲寡色

善曰漢書曰凡望雲氣勃匿藏也隴鴈少飛岱雲寡色

曰鴈南飛將盡明妃見而懷鄉望君王

五臣作子今何期終

燕絕今異域

善曰鬻子曰君王欲緣五常之道而不失則可以長矣李陵書曰生為異域之人

向曰域國也燕猶廢也明妃適異域望漢無期有以斯恨也

至乃

五臣作如字

敬通見抵

禮罷歸田里

善曰漢書曰高后怨趙堯乃抵堯罪馮衍說陰就書曰衍冀先事自歸上書報歸田

里漢書曰時多上書言便宜軌下蕭望之問狀下者或罷歸田里翰曰馮衍字敬通漢明帝以敬通才過其

實抑而不用故閉關却掃塞門不仕善曰司馬彪續漢書曰趙壹閉門却

掃非德不交吳志曰張昭稱疾不朝孫權恨之土塞其門濟曰閉關塞門却掃家庭不出求仕左對

孺人右善無顧善有稚子善曰禮記曰天子之妃曰后夫人妻曰孺人潘安仁寡婦

賦曰顧稚子兮未識良曰稚子嬰兒也脱略公卿跌徒宕浪文史善曰杜預左氏

傳注曰脱易也賈逵國語注曰略簡也揚雄自叙曰雄為人跌宕銑曰脱略輕易跌宕放逸也齋子

志沒地長懷無已善曰馮衍說陰就書曰懷抱不報齋恨入冥鶚鵠賦曰眷西路而長懷毛

萇詩傳曰懷思也向曰齋持也及夫中散下獄神氣受抑之志死沒於地恨情無已

欽定四庫全書

卷十六

激揚

善曰淮南子曰古之人神氣不蕩乎外漢書谷永上疏曰贊命之臣康不激揚

翰曰嵇康為中散

大夫為呂安事收下獄而戮之康神氣自若

濁醪夕引素琴晨張秋日蕭索

浮雲無光鬱青霞之奇意入修夜之不暘

善曰嵇康與山巨源書曰

濁醪一盃彈琴一曲又贈秀才詩曰習習谷風吹我素琴鄭玄禮記注曰索散也青霞奇意志意高也曹毗臨

園賦曰青霞曳於前阿素籟流於森管漢書武帝李夫人賦曰擇輿馬於山椒奄修夜之不暘孔安國尚書傳

曰暘明也音陽濟曰濁醪濁酒修長暘明也琴酒康

平生所服御者言康臨刑雲日為之蕭索無晶光負高奇之志入長夜而不明豈不恨歟已上恨者凡六人已下雜論其狀淹以為古今之情皆類於此

或有

孤臣危涕孽子墜心遷客海上流戍隴陰此人但聞悲

風汨

子

起血下雷衿

五臣作襟子其操心也

善曰孟子曰孤臣孽

賦曰涕橫墜而弗禁然心當云危涕當云墜江氏愛奇

故互文以見義漢書匈奴乃徙蘇武北海上無人處使

牧羝羊史記曰婁歌齊人也戌隴西琴道雍門周說孟

嘗君曰幼無父母壯無妻子若此人者但聞秋風鳴條

則傷心矣毛詩曰鼠思泣血尸子曰曾子每讀喪禮泣

下雷衿良曰此皆易為恨者也孽子庶子也海上隴

陰皆邊鄙也汨起風亦復含酸茹歎銷落湮沈

善曰廣雅曰茹

疾貌血下洳血也

食也又曰湮沒也銷猶散也銑曰酸鼻酸也銷落

湮沈滅亡也言抱此酸歎至滅亡而不已故有餘恨若

延作乃騎疊跡車屯軌黃塵市地歌吹四起

善曰此言榮貴之子

車騎之多也吳都賦曰躍馬疊跡楚辭曰屯余車其千

乘王逸曰屯陳也山陽公載記曰賈謝鳴鼓雷震黃塵

散天李陵書曰邊聲四起向無不煙斷火絕閉骨泉

裏

善曰煙斷火絕喻人之死也王充論衡曰人死也猶

火之滅火滅而權不照人死而智不慧濟曰去車

騎歌吹之歡如煙火斷絕

已矣哉

善曰孔安國尚書傳曰已發端歎辭

春

草暮兮秋風驚秋風罷兮春草生綺羅畢兮池館盡琴

瑟滅兮丘隴平

善曰琴道雍門周曰高臺既已傾曲池又已平墳墓生荆棘狐兔穴其中

曰榮枯相待也既已歇絕而池館丘隴亦復何有

自古皆有死莫不飲

恨而吞聲

善曰論語孔子曰自古皆有死張奐與崔元始書曰匈奴若非其罪何肯吞聲

別賦

江文通

黯然銷魂者唯別而已矣

善曰言黯然魂將離散者唯別而然也夫人魂以守形魂

散則形斃今別而散明恨深也楚辭曰魂魄離散家語孔子曰黯然而黑向曰黯然失色貌況秦吳

兮絕國復燕宋兮千里

善曰言秦吳燕宋四國川塗既遠別恨必深故舉以為況也文

子曰為絕國殊俗立諸侯以教誨之良曰絕遠也

或春苔兮始生乍秋風兮慙

起是以行子腸斷百感悽惻

善曰言此二時別恨逾切鮑照東門行曰野風吹秋

木行子心腸斷濟曰行者多以此時感物悽傷矣稱百言多也

風蕭蕭而異響雲漫

漫而奇色

善曰荆軻歌曰風蕭蕭兮易水寒尚書大傳帝唱曰卿雲爛兮體漫漫兮銑曰恨為離

別覺風雲

舟疑滯於水濱車逶遲於山側

善曰楚辭曰舩容與而不

改於常

進淹迴水以凝滯

廣雅曰凝止也毛詩曰周道逶遲毛萇曰逶遲歷遠貌向曰凝滯逶遲少留貌將為水陸

之櫂

五臣作棹

容與而詎

五臣作未

前馬寒鳴而不息

善曰楚辭曰櫂齊楊

以容與

翰曰棹機也容與不進貌皆惜別之意

掩金觴而誰御橫玉柱而雷

軾

善曰韋誕詩曰旨酒盈金觴清顏發朱華毛萇詩傳曰御進也袁淑正情賦曰解蘊麝之芳衾陳玉柱之

鳴箏楚辭曰涕潺湲兮霑軾濟曰掩覆也觴酒杯也以金為之瑟有柱以玉為之言行子覆杯捨瑟登車而

去涕淚

居人愁卧

兄 若亡

善曰鮑昭東門行曰居人掩閨卧莊子曰居

然若有亡

銑曰初別

日下壁而沈

五臣作沉 彩月上軒而

親友悅然若有所失

飛光

善曰軒檻版也壁升月上照於軒月之十五日

向日落日下隱於

見紅蘭之受

露望青楸之離霜

翰曰蘭至秋色紅也楸木名離羅也

巡層

善作

楹而空

掩撫錦幙而虛涼

善曰掩掩涕也涼悲涼也典略曰衛夫人南子在錦帷中廣雅曰帷幙帳

也濟曰巡歷層高楹柱也歷高柱掩泣也錦幙錦帳也虛涼悲涼也

知離夢之躑躅意

別魂之飛揚

善曰說文曰躑躅任足也躑與躑同馳戰切躑躅錄切曹植悲命賦哀魂靈之飛揚

良曰居人既涕泣相思則意知行子離夢躑躅不進別魂飛揚不安

故別雖一緒事有

善作

萬族

善曰孔安國尚書傳曰族類也銑曰言多也

至若龍馬銀鞍

五臣作金鞍

朱軒繡軸

善曰周禮曰馬八尺已上為龍後漢書明德馬皇后云前過濯龍門上見外家問起居車

如流水馬如游龍辛延年羽林郎詩曰銀鞍何煇燐翠蓋空踟躕尚書大傳曰朱命為士不得朱軒鄭玄曰軒輿也士以朱飾之軒車通稱也魯連子門客謂陳無宇曰君車衣文繡

帳飲東都送客金

谷善曰漢書曰高祖過沛帳飲三日漢書曰踰廣字仲翁東海蘭陵人也廣兄子受字公子廣為太傅乞骸

骨上以其年老皆許之加賜黃金二十斤皇太子賜五十斤公卿大夫故人邑子為設祖道供帳東都門外石崇金谷詩序曰余元康六年從太僕卿出為使持節青徐諸軍事征虜將軍有別廬在河內縣金谷澗中時征西將軍祭酒王詡當還長安余與眾賢共送澗中向

同善
琴羽張兮簫鼓陳燕趙歌兮傷美人

善曰琴羽琴之羽聲說苑

曰雍門周以琴見孟嘗君微揮角羽張晏甘泉賦注曰聲細不過羽漢武帝秋風辭曰簫鼓鳴兮發權歌古詩

曰燕趙多佳人美者顏如玉 翰曰琴而奏羽聲與簫鼓雜陳燕趙美人清歌以和之覩別離之事亦為悲傷

也 珠與玉兮豔暮秋羅與綺兮嬌上春驚駟馬之仰秣

善作 聳淵魚之赤鱗 善曰言樂之盛也韓詩外傳曰昔伯牙鼓琴而淵魚出聽匏已鼓瑟

而六馬仰秣成公綏琴賦曰伯牙彈而駟馬仰子野揮而玄鶴鳴 濟曰武師伎樂暮秋之月珠玉照之生光

色也上春之時綺羅對之增容姿也 良曰伯牙彈琴潭魚出聽匏已鼓瑟駟馬仰秣皆聽樂之所致也鱗亦

魚造分手而銜涕咸 善作 寂寞而傷神 善曰謝宣遠送王撫軍詩曰分

手東城閨呂氏春秋曰聖人不可以感私傷神 銑曰造至也雖樂聲之妙宴緒之樂至於分手為別皆銜涕傷

神乃有劍客慙恩少年報士 善曰漢書李陵曰臣所將屯邊者奇材劍客也又曰

郭解以軀藉友報仇少年慕其行亦
輒為報讎向曰感恩報仇之志 韓國趙廁吳宮燕

市

善曰史記曰聶政者軹深井里人也濮陽嚴仲子事韓哀侯與韓相俠累有郗嚴仲子告聶政而言臣有

仇聞足下高義故進百金以交足下之驪聶政拔劍至韓直入上階刺殺俠累又曰豫讓者晉人也事智伯智伯甚尊寵之趙襄子滅智伯讓乃變姓名為刑人入宮塗廁欲刺襄子故言趙廁又曰專諸者棠邑人也吳公子光具酒請王僚酒既酣使專諸置匕首魚炙之腹中而進既至王前專諸以匕首刺王僚王僚立死又曰荆軻者衛人也至燕與高漸離飲於燕市後荆軻為燕太子丹獻燕地圖窮匕首見因以匕首搥秦王向同

善割慈忍愛離邦去里瀝泣共訣技

五臣作

血相視

善

史記曰今太子請辭訣矣鄭玄毛詩箋曰往矣決別之辭訣與決音義同廣雅曰救抵也毛詩曰鼠思泣血技

武粉切 濟曰謂別父母去鄉里 驅征馬而不顧見行也 良曰刎拭也言泣血為別

塵之時起

善曰史記曰荆軻遂發就車不顧 起 銑 曰志士專一去不反顧但見馬行塵起

方銜

感於一劍非買價於泉裏

善曰言銜感恩遇故効命於一劍非買價於泉壤之中也

尉僚子吳起曰一劍之任非將軍也

向曰以劍

金石

震而色變骨肉悲而心死

善曰燕丹太子曰荆軻與武陽入秦秦王陞戟而見燕使

既鼓鍾並發武陽大恐面如死灰色戰國策曰武陽色變史記曰聶政刺韓相俠累死因自破面決眼屠腹而死莫知其誰韓取政尸暴於市能知者與千金久之莫知政姊曰何愛妾之身而不揚吾弟之名於天下哉乃之韓市抱尸而哭曰此妾弟軹深井里聶政自殺於尸旁晉楚齊聞之曰非獨政之賢乃其姊亦烈女莊子仲

尼謂顏曰曰夫衣莫大於心死翰同善注

或乃邊郡未和負羽從軍

善曰司馬

相如檄蜀文曰邊郡之士聞烽舉燧燔漢書曰有障徼曰邊郡羽獵賦曰蒙櫛負羽杖鎧邪而羅者以萬計

濟曰箭有羽從軍

遼水無極鴈山參雲

善曰水經曰遼山在玄菟高句

麗縣遼水所出海內西經曰大澤方百里鳥所生在鴈山鴈出其間孟子注曰太山之高參天入雲謝承後漢

書劉誦曰程夫人富貴參雲無極言廣深也參雲言其高也

良曰

閨中風暖陌上草薰

善曰薰香氣也銑曰謂春時也閨房陌路薰香也

日出天而曜景露下地而騰

文鏡朱塵之照爛襲青氣之烟

因焜

善曰楚辭曰經堂入與朱塵燼王逸

曰朱畫承塵也楚辭曰芳菲菲兮襲人易通卦驗曰震東方也主春分日出青氣出震比正氣也向曰曜景

曜光景也騰犬依於草樹騰其文章翰曰朱塵朱筵
塵也青氣薰爐中香青烟也言日景鏡照閨中華筵草

薰襲香代爐中香氣也照爛明貌烟温香氣攀桃李兮不忍別送愛子兮雷

羅裙

善曰言當盛春之時而分別不忍也左傳趙盾曰括君姬氏之愛子杜預曰括趙盾異母弟趙姬文

公女也

濟曰桃李喻夫妻也雷裙涕淚霑於裙也

至如一去

善作赴字

絕國詎相見

期

善曰琴道雍門周曰遠赴絕國無相見期臣為一揮琴而太息未有不悽愴而流涕者絕國絕遠之國

良曰絕遠詎無也

視喬木兮故里訣北梁兮永辭

善曰王充論衡曰睹喬木

知舊都孟子曰故國者非為有喬木有世臣也楚辭曰日濟江海兮蟬蛻決北梁兮永辭

故視而識之北梁分別之地訣別永長也

左右兮魂動親賓兮淚滋

善曰蘇武詩曰

淚為生別滋
向曰滋多也

可班荆兮增恨惟樽酒兮叙悲

善曰左氏傳曰楚伍

舉將奔晉聲子將如晉遇之於鄭郊班荆相與食蘇武詩曰我有一樽酒欲以贈遠人願子留斟酌叙此平生親翰曰班布也贈猶展也於路側折荆布地生而置酒以展叙別離之恨值秋鴈兮飛日

當白露兮下時怨復怨兮遠山曲去復去兮長河湄

善曰

毛詩曰居河之湄爾雅曰水草交曰湄濟曰湄際也

又若君居溜右妾家河陽

善曰漢書有溜川國又河內郡有河陽縣溜或為塞良曰溜右河陽二地名婦人自稱曰妾謂夫曰君

同

瓊珮之晨照共金爐之夕香

善曰毛詩曰有女同車顏如舜華將翽將翔佩玉瓊

珞司馬相如美人賦曰金爐香薰黼帳周垂銑曰言新婚也晨照謂晨興佩光照曜

君結綬兮

千里惜瑶草之徒芳

善曰結綬將仕也漢書曰蕭育與朱博為友長安語曰蕭朱綬結宋

玉高唐賦曰我帝之季女名曰瑶姬未行而亡封于巫山之臺精魂為草寔曰靈芝山海經曰姑瑶之山帝女

死焉名曰女尸化為萑草其葉胥成其花黃其實如兔絲服者媚於人郭璞曰瑶與萑並皆遙然萑與瑶同

向日結綬從官也瑶草香草以自喻也言君去千里徒為芬芳

慙幽閨

五臣作官

之琴瑟晦

高臺之流黃

善曰張載擬四愁詩曰佳人贈我筒竹布何以報之流黃素環濟要略曰間色有五

紺紅縹紫流黃也

翰曰幽深宮室也琴瑟不張故慙焉流黃素名言愁多視之不識

春宮

五臣作閨

闕此青苔色秋帳含茲明月光夏簟青兮晝不暮冬缸

凝今夜何長

善曰毛萇詩傳曰闕閉也班婕妤自傷賦曰應門閉兮玉階苔劉休玄擬古詩曰維

帳延秋月張儼席賦曰席為冬設簾為夏施夏侯湛
燈賦曰秋日既逝冬夜悠長濟曰言四時相思也閔
閉也不暮言其日長織錦曲分泣已盡迴文詩分影獨
也缸凝謂燈明也

傷

善曰織錦迴文詩序曰竇韜秦州被徙沙漠其妻蘇
氏秦州臨去別蘇誓不更娶至沙漠更娶婦蘇氏織

錦端中作此迴文詩以贈之符國時人也良曰織錦
為迴文詩使成章句以寄於夫思念別離故泣盡影傷

也

儻有華陰上士服食還仙

善無此二句

術既妙而猶學道

已寂而未傳守丹竈而不顧鍊金鼎而方堅

善曰方言曰寂安靜

也南越志曰長沙郡劉陽縣東有王喬山山有合丹竈
不顧不顧於世也鍊金鼎鍊金為丹之鼎也抱朴子曰
鄭君惟見授金丹之經又曰九轉丹內神鼎中史記曰
黃帝采首山銅鑄鼎鼎成龍下迎黃帝也方堅其志方

堅也銑曰丹竈練丹竈也不顧不歸也黃帝采首山
銅鑄鼎鼎成龍上迎黃帝方堅力為之無退歸之意

駕鶴上漢驂鸞騰天

善曰張僧鑒豫章記曰洪井有鸞岡舊說云洪崖先生乘鸞所憩處

也鸞岡西有鶴嶺王子喬控鶴所經
過處也句曰御鸞鶴而升天漢

整游萬里少別干

年惟世間今重別謝主人兮依然

善曰神仙傳曰若士者仙人也燕人盧敖

者秦時遊北海而見若士若士曰一舉而千里吾猶未
之能今子始至於此乃語窮豈不陋哉馬明先生隨神
女還岱見安期生語神女曰昔與女郎遊於安息西海
之際意此未久已二千年矣說文曰謝辭也翰曰主
人之平生游處謝別
也依然不能無情
下有芍藥之詩佳人之歌善曰毛詩曰維

士與女伊其相謔贈之以芍藥漢書李延年
歌曰北方有佳人絕世而獨立
濟同善注
桑中衛女

五臣作艷上宮陳娥

善曰衛陳二國名也毛詩曰期我乎桑中要我乎上宮方言曰秦晉之間美貌

謂之娥良曰美貌曰娥美色曰艷

春草碧色春水綠波送君南浦傷如

之何

善曰楚辭曰子交手兮東行送美人兮南浦銑曰送君送夫也南浦送別之處

至乃秋

露如珠秋月如珪

善曰陸雲芙蓉詩曰盈盈荷上露灼灼如明珠遜甲開山圖曰禹遊於東

海得玉珪碧色圓如日月以自照目達幽冥向曰露垂於草其狀如珠夏禹得玉珪碧色圓如日月言秋月

類之明月白露光陰往來與子之別思心徘徊是以別方

不定別理千名

善曰千名言多也南都賦曰百種千名

有別必怨有怨必

盈

善曰蔡琰詩曰心吐思兮胸憤盈翰曰盈多也

使人意奪神駭心折骨驚

善曰亦互文也左氏傳衛太子禱雖淵雲之墨妙皆善
曰無折骨濟曰言別離之所致

皆嚴樂之筆精善曰淵王褒也雲揚雄也漢書曰嚴安

務上召見乃拜樂安皆為郎中良曰王褒字子淵揚
雄字子雲嚴安徐樂皆文章之士故云墨妙筆精也

金閨善作之諸彥蘭臺之羣英善曰史記曰金門宦者

東方朔云公孫弘等待詔金門是也蘭臺臺名傅毅
班固等為蘭臺令是也論衡曰孝明好文人並徵蘭臺

之令官文雄會聚賦有凌雲之稱辯有雕龍之聲善
銑曰英彥皆美士

漢書曰司馬相如既奏大人賦天子大悅飄飄有凌雲
之氣七略曰鄒赫子齊人也齊人為諺曰雕龍赫言操

修鄒衍之術文飾之若雕鏤龍文故曰彫龍赫向曰
司馬相如奏大人賦天子大悅曰飈飈有凌雲之氣鄒

赫子修鄒衍之術文飾之若彫鏤而成龍文二人皆有此聲稱也

詎善作


能摹暫

五臣作暫

離之狀寫永訣之情者乎

翰曰雖此數賢之才不能摹寫別離情狀者言苦危之志

不可述也



文選卷十六